



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00439 pillugu pingasunngornermi ulloq 9. december 2009-mi aalajangiineranik Naalakkersuisunut ilisimatitsineq.

Aningaasaliissutinik Nuummi Tasiilamilu inissianik aningaasalersuinissamut immikkoortinneqarsimasunik nuussinissaq

Naalakkersuisut **inassutigaat**:

- kontomi pingaarnermi 87.72.26-imi, Kommunit inissialiornermut aningaasalersuinerannut tapiissutinut tunngasumi, suliassamut nr. 060.93.001-imut, Nuummi kommunip inissialiornermut aningaasalersuineranut tunngasumi, 2008-mi aningaasaliissutit 11,0 mio. koruuninik ikilineqassasut
- kontomi pingaarnermi 87.72.24-imi, Inissiat attartortittakkat isateriaannangorsimasut kommuninut tunniunneqarnerannut tunngasumi, suliassamut nr. 060.92.001-imut, Nuummi Tuujummi inissiat isatigassanngorlugit kommunimut tunniunneqarnerannut tunngasumut, aningaasaliissutit 31,8 mio. koruuninik ikilineqassasut
- kontomi pingaarnermi 87.72.21-imi, Inissianik kommuninit attartortitassanik tapiissutitalimmik sanaartornermut tunngasumi, suliassamut nr. 996.32.090-imut, Inissianik kommuninit attartortitassanik tapiissutitalimmik sanaartornermut tunngasumut, 2009-mi aningaasaliissutit 42,8 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Suliami paasissutissanik annertunerusumik pissarsinissaq siunertaralugu ulloq 12. november 2009-mi ataatsimiititaliap ataatsimiinnermini nr. 26-imi suliaq una pillugu isummernissani kinguartippaa.

Nuummi Pisissiani init agguataarsimanerat pillugu nassuiaasoqarnissaa ataatsimiititaliamit immikkut kissaatigineqarpoq. Tamatuma saniatigut init agguataarneqarnissaattut siunnersuutigisaq Nuummilu inissianik utaqquisutut allatsissimasut imminnut naapertuunnersut pillugu paasissutissinneqarnissani ataatsimiititaliap qinnutigaa.

Naalakkersuisut akissutaat ataatsimiititaliamit ulloq 27. november 2009-mi tiguneqarpoq.

Inisanik 2-nik aamma 3-nik initalinnik initaarniarlutik utaqqisutut allatsissimasut amerlanerusut Naalakkersuisut paasissutissiisutigaat .

Tamanna Nuup illoqarfiani inissianik utaqqisutut allatsissimasut kisitsisitaasa nassiuqqartut uppersisippaat:

| | Init amerlassusiat | Qinnuteqartut amerlassusiat |
|--|--------------------|-----------------------------|
| Inissiat nalinginnaasut | 1 | 320 |
| | 2 | 761 |
| | 3 | 635 |
| | 4 | 371 |
| | 5 | 133 |
| | 6 | 38 |
| Inissianik nalinginnaasunik qinnuteqartut katillutik | 2258 | |

Taamaalillunilu takussutissiakkut takutinneqarpoq qinnuteqartunit 2258-iusunit 1396, tassalu 62 procentit inissianik marlunnik pingasunilluunniit initalinnik qinnuteqartut.

Tamatuma saniatigut matuma kinguliani allassimasutut init agguataagaanissaat pilersaarutaasoq Naalakkersuisut paasissutissiisutigaat:

| Amerlassusiat | Angissutsit | Init amerlassusiat |
|---------------|-------------|--------------------|
| 30 | 71,98 | 2 |
| 18 | 86,69 | 3 |
| 18 | 120,19 | 4 |
| 6 | 134,9 | 5 |
| 72 | | |

Takussutissiakkut takutinneqarpoq inissiat 72-iusunit 48-t, tassalu inissiat 66 procentii marlunnik pingasunilluunniit initaqarnissaat naatsorsuutigineqartoq.

Inissiat agguataarnissaannut siunnersuutigineqartoq taamaalilluni inissianut utaqqisutut allattorsimaffinnut naapertuussorinarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua